


Anpao Kin

THE DAYBREAK.



"Wankantanhan Anpao kin hiyounhipi."—Luke 1. 78.

VOL. XVI

FOREST CITY, SO. DAK., JUNE, 1900.

NO. 8

ANPAO KIN.

REV. E. ASHLEY
REV. W. J. CLEVELAND } Editors

ANPAO KIN wi iyohina, wiyawapi anpetu tokaheya eca mazaakdirpeyapi.

WI XAKPE on kapi, qa wi iyohina akezaptan (15) aokpani xni, ptayena partapi, wicacaje wanjina ekta hiyukiyapi kta cinpi kinhan, icupi kin iyohina kaxpapi wanji (10c) on kajujuupi kta.

WIXAKPE on kapi, qa wi iyohina wanjina icupi kta cinpi kin, kaxpapi wanji saam okise (15) on kajujuupi kta.

Icupi xni itokab kdajujuupi kta.

Wowapi askabyapi maxaxana wanji qaix nonpa owapi kin, mazaska eekiya, ANPAO KIN opeton okihipi kta.

Tuwa wowapi kagiu kte ca wowapi ska saani el owa kta.

Opetonpi kta wowapi hiyukiyapi qaix ed taku oyakapi kta cinpi na hiyukiyapi ca, wowapi juha akand deced owapi kta.

REV. E. ASHLEY,
CHEYENNE RIVER AGENCY, S. D.

Yawaxteya Cajeyatapi Wowapi Wan.

ANPAO KIN icikoyagunyanpi qa wicoran waxte econ iyounpaxtakapi kta wookihi yuha. Okodakiciye-wakan opapi tka ahebeya tipi kin, hena iyotan taokiye waxte heca kta. Bixop waun kin eciyatanhan, taku ecamon onxpaxpa oyakapi qa taku bduotanin kta wacin kin hena owasin, qa Tipiwakan iyaza omawani woyakapi kin hena, qa nakun Okodakiciye-wakan kin wotatin tawa toktokeca ed kagapi kta. Oyate unkitawapi kin owasin ANPAO KIN icupi qa saam wicaxa tokceca wicacupi nin ecanini.

W. H. HARE,
Yewicaxipi Bixop

JESUS AWICAKEYA EL UN KIN.

Jesus Itancan unyanpi kin, Wotapi Wakan Tawa kin awicakeya el un ca, Woecon Wakan caje tona yuha kin he onspeun-kiyapi.

Wanikiya unkitawapi kin maka akan un kin eciyatanhan unnipi, "Christ Jesus waltanipi s'a niwicayin kta makata hi (1. Tim. 1: 15). Tka, lehan Jesus unkiyapi un he, wiunyangapi. Eya mahpiyata iyaye ca ake u kta. Iyokogna lel un nais lel un sni he. Itancan kin iyecubcin wovicake unkokiyakapi. Tokel eye cin, he St. Matt. 26: 26-28; St. Mark 14: 22-24; St. Luke 22: 19, 20; na 1 Korinth. 11: 23-25 el iyeyayapi kta.

Jesus aguyapi icu na yawašte, na yuſpuſpu, na le Mitancan kin ee eya. Miniſa icu, yawašte na on le Mawe kin ee eya. Wakantanka towaſake na towašte kin awauncinpi kinhan, taku tona eye cin he wicaunlapi kta ca tehike ſni unkablezapi kta. Tuwa Cinhin-ku unkiyepi on tin kta ca

unqupi qon, nakun woyuteunyanpi kta e unqupi okihi. Wakantanka hewoskan el taoyate kin mahpiyatanhan wonwicaye (Gli. 16: 4), na Jesus "Aguyapi wowicake mahpiyatanhan hi kin, he iye ce eya (St. John 6: 51). Itancan Tawocekiye el anpetu iyohi aguyapi kin launſipi, na Itancan kin," Aguyapi wicawaqu kte cin he michepi kin ee, he oyate wican kta e wicawaqu kta" eya, (St. John 6: 51). Jesus tuwa aguyapi zaptanla yawašte, na wicaſa koktopawinge zaptan innawicaye con okihi kin, lehan aguyapi kin yawašte na ognayan tancan kin wicaqu okihi. Jesus, tuwa mini kin etanhan miniſa kaga okihi qon (St. John 2), lehan miniſa ognayan we tawa unqupi okihi. Jesus el un kin wiciſta unkokiyakapi kta he un-kaſepi kte ſni; icin "wacinyanpi eciyatanhan maunniſi, na wawanyakapi kin eciyatanhan ſni" (2 Korinth. 5: 7). Nahan taku kin le on tokel wacinyanpi eciyatanhan maunniſi kta wiunyangapi hecinhan; "wanaſonpi kin eciyatanhan wicalapi u, na wanaſonpi kin he Wakantanka oie eciyatanhan u" ca St. Paul unkokiyakapi (Roma. 10: 17). Taku wawanyakapi kin hee ſni; tka taku naunſonpi kin he wicaunlapi kta; na Jesus, Wakantanka Oie kin he, Aguyapi na Miniſa kin on-Le Mitancan kin ee-Le Mawe kin ee-eye con he wicaunlapi kta iyecetu.

St. Andrew Sunkakiciyapi tona opapi kin taku wanji kiksuyapi wašte naceca. Eya Omniciye kin he "Christ Tokiconze kin he koſkalaka eгна icagin kte cin" on unyuhapi. Tanyan iyoptin kta e woop nonpa kin, "Wocekiye woop, na Woecon woop" unyuhapi. Hena oyuha wašte na ognan ſkanpi kin he hecetu.

St. Andrew Sunkakiciyapi unke-yapi he toka he. Tokaſ Lakota ekta unqonpi kin Sunkakiciyapi kin he unkakiktonjapi seca, keſ ohin- ni unkiksuyapi kta iyececa. Icin oyasin Tiwahe wakan wanji unketanhanpi. Oyasin Baptisma wanjila on unyujajapi na unyuskapi. Oyasin nape aputakapi wanjila on Woniya Wakan unki- cupi kta ca ounpapi. Oyasin wagna wotapi wanji na woyute wanjila etanhan unyutapi. He- cel tiwahe ikceka wanji el hokſi-

la tona tonpi na sunkakiciyapi na tekicihilapi kin, he iyecel, tka isanpa, Tiwahe Wakan el, Christ tocantekiye kin on teunkicihilapi kta iyececa. Heconqonpi kinhan, tuwa sunkakiciyapi cajeyata- pi ca otuya eyapi kte ſni, tka, He! Wicaſa oſpaye wan, Okola- kiciye Wakan etan, na wicoſhan wakan kin icagin kta ca sunkaki- ciyapi kin wanwicayaka po! Cantekiciyapi na wicaſa oyasin wowaſtelaka on wicakuwapi kin tanyan econpe lo. Hecel ito, wi- coſe kin he unkiksuyapi kta, na wocantkiye, wowaſbala untonipi kin eciyatanhan toktokeca kin e- kta woyawašte heuncapi kta e awauncinpi kta.

OKOLAKICIYE WAKAN WOTANIN.

Hekta April 21 etanhan May 1 hehanyan New York otonwe kin el Okolakiciye oyasin (Sina Sapa ecela opa ſni) Yewicaſipi on yuwitaye omni- ciye-Ecumenical Conference- econpi kin el maka owan- cayatanhan hipi. Koktopawinge nom kaſniſ opapi, na hena etan- han, opawinge ſakpe yewicaſipi wicoſhan on oyate toktokeca el ſkanpi. Anpetu iyohi, itayetu ko omniciye econpi. Tipi wan- jila wicakipi ſni, hecel omniciye itancan yuhapi eſa, nakun omni- ciye kiyuſpeſpe econpi.

Taku oyakapi kin lila ota, na lehan lel oyasin unkoyakapi un- kokihipi ſni tka lena itancanyan cajeyatapi:

1. Yewicaſipi wowaſake kin na taku on econpi.
2. Yewicaſipi na Wowapi Wa- kan kin.
3. Yewicaſipi na Maka Itan- canpi kin.
4. Ikce oyate etan Christian unpi kin tokel Christian wicoſhan oicihipi he.
5. Pejihuta wicaſa wicoſhan on Yewicaſipi wawokiya kin.

Lehan kowokata wicaſa kokto- pawinge akezaptan ſkanpi, na ikce oyate kin etanhan koktopa- winge wikcemna ſakowin sam ſakowin wowaſi econwicakiyapi, na lena etanhan koktopawinge topa wicaſa wakan hecapi. Na- kun Owayawa, woyazan tipi, na wacantkiyapi wicoſhan on oyate owicakiyapi kta e lila ota yukan ca oyakapi. Lecel wicoſhan tanka icagin kte cin on, Christian oya- sin, tiyata unpi kin, mazaska wo- yawa tanka akenapeiyunka awa-

mnayanpi na waunyanpi atanin. Tuktektel waſicun hunſi (nahan Lakota wanjikji) Yewicaſipi wi- coſhan kin he taku ſni na on mazaska kicunpi kta iyececa ſni kecinpi, wicoſhan ikceka-wope- tonpi, wokage, wamakaskan ical- yapi-on wokamna ignipi kta he iyotanlapi, tka New York otonwe kin el omniciye kin le econpi kin on, otonwe kin hel wicaſa unpi na oyate iyuha, Christ eciyatan- han Yewicaſipi wicoſhan kin, he wicoſhan iyotan tanka kin ee ca yuataninpi na awacin wicayapi.

India makoce kin el Lepros ececapi kin lila ota yukanpi. Yunkan hecapi kin wocekiye oyanka wikcemna zaptan sanpa nonpa yuhapi. Lepros ececapi kin koktopawinge topa awanya- kapi na etanhan okise Christ wi- calapi keyapi.

Alaska makoce kin Ikcewicaſa unpi kin ekta, Salvation Army ewicakiyapi, owe nom el hipi na woakinica kagapi na wayaſkiſka- pi. Hehehe! tona Christian he- capi oiglakapi kin watohan wo- winawizi, wokipajin na wayaju- jupi kin ayuſtanpi kta hwo.

Saglaſa makoce kin el obaſpe wan Liverpool eciyapi kin, Bish- op tawapi wanna wicaſa na wi- coſhan tawa enakiye. Yunkan Woſna kaga tokeca wan Dr. Che- vasse eciyapi he kaſnigapi na wanna yuwakanpi.

Rev. W. H. Sparling, tuwa Aberdeen el un qon, na Eastern Deanery on Rural Dean heca kin, he wanihan seca Aberdeen ayu- ſtan na Madison na Howard otonwe kin henios awanyaka, tka lehan hena ayuſtan na Paſa sapa ekta, Rapid City el wowasi econ kta keyapi.

Alabama obaſpe kin etanhan Bishop Co-adjutor yuhapi qon enakiye na heon hekta wi kin Bishop oyasin mniciyapi na ena- kiyin kta cin qon he hecetulapi. Yunkan itayena Bishop kin he te.

Turkey makoce kin el wicaſa wakan na waonspekiye tona ye- wicaſipi wicoſhan kin tohinni wo- teli akipapi. Turk akicita tawa- pi kin tipi wakan na owayawa tona huſnaſyapi na Christian heca tona wicaktepi. Tipi ihan- gyapi kin hekajuju wicakiyapi kte hecin na heon Tunkanſilayapi kin mazaska 91,000 wicakicila, Kajujuupi kta nais toketu kin na- haſci tanin ſni.

THE DAYBREAK.

REV. E. ASHLEY
REV. W. J. CLEVELAND } Editors

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription is 30 cents per annum in advance and may be paid in one or two cent postage stamps.

Single subscriptions for six months, 15 cents.

Fifteen or more copies to one address for six months, 10 cents each.

All subscriptions and matter for publication should be addressed to

REV. E. ASHLEY,
Cheyenne River Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

W. H. HARE,
Missionary Bishop

Entered at the Postoffice at Forest City, South Dakota, as second class matter.

Published at the office of the FOREST CITY PRESS, Forest City, S. D.

OKOLAKICIYE WAKAN WIYAWAPI KIN

June wi kin.

3. Anpetu Wakan Ska. Sa
4. Anpetu Wakan-ska Anpetu Wakan el Monday. Sa
5. Anpetu Wakan-ska Anpetu Wakan el Tuesday. Sa
- 6, 8 na 9. *Ember Anpetu*. Akilihanpi
10. Yamni Taanpetu Wakan kin Ska
11. St. Barnabas Wahošiyeye ta-anpetu. Sa
17. Yamni iyohakab Anpetu Wakan Tokaheya kin. To
24. St. John Baptisma-wicagu Taanpetu kin. Sa
- Nakun Yamni iyohakab Anpetu Wakan inonpa kin.*
29. St. Peter Taanpetu kin.

Wotanin-wašte Ayapi On Wocekiye.

Anpetu iyohi wicakaya he cin ehan heyapi kta.

Wanikiya wašte isto wacantkiya nitawa kdugad, canicipawega akan otkeyahan yaun tka qon, maka akan wicaša un kin owasin Niye ekta etonwanpi qa niwiciyapi nunwe. Amen.

OKOLAKICIYE WAKAN WIWICAWAN-GAPI KIN

Woonspe lwikcemna zaptan sanpa zaptan

St. Philip na St. James Taanpetu kin.

W. Iyekiheya May wi wiyawapi tokaheya kin hehan taku wokiksuya yukan he.

A. St. Philip na St. James wokiksuye kin he.

W. St. Philip on woyakapi kin tuktel tokaheya lawa he.

A. St. John Wotanin wašte tawa kin, wicowoyake tokaheya na oogle 43 na 44 kin el.

W. Hel taku iyeyakiya he.

A. He Bethsaida otowwe etanhan, na Wahošiyepi kta e Christ wicakico kin he otokaheya wanji iyewaya.

W. Philip tuwa Christ el ahi he.

A. Nathaniel, tuwa Jesus he Messiah kin hee, na heon wocanpi wowapi kagapi qon wacagna wicala qon he.

W. Philip tuktel Wotanin wašte oyaka he.

A. He Asia makoce kin etu keyapi.

W. St. Chrysostom eciyapi kin, tuktel St. Philip wowaši ayu-
stan keya he.

A. He Phrygia el Hierapolis otowwe etu, hel wahokonwicakiye na wowapatokeca econ kin on wicota wicayuhomni.

W. Tokel ta he.

A. Wicota hea wicayuhomni kin on, maka itancanpi kin canze-
zepe na wicokaške el gnakapi obakab, kaštakapi na icipaweh okatanpi.

W. Philip tokeca wan yukan he. (Ohan. W. 6. o. 5 na W. 21. o. 8.)

A. Ho; Philip, Deacon šakowinpi tokaheya qon he wanji, na tuwa Ethiopia Yonokos baptisma qu qon hee.

W. Tokaca waonspekiye nom anpetu wanji kaska wicakiksuyapi he.

A. Christ waonspewicakiye tawa kin "nom nom yewicaši" qon, tokaš heon Okolakiciye Wakan kin lenios, na St. Simen na St. Jude anpetu wanji el wicakiksuya naceca.

W. May wi tokaheya icunhan nakun Wicaša wakan tuwa ca kikisuyapi he.

A. Wahošiyeye wakan, St. James cistinna kin, na wakašotošni na owotanla ni un qon he St. James Owotanla eciyapi kin he.

W. He tuwa cinca he. (Matt. 10:3)

A. He Alpheus (nakun Kleopas eciyapi) na Mary cincapi.

W. Mary ewicakiyapi kin tukte wanji inaya he. (John 19:25)

A. Jesus hunku tankaku kin, nakun "Mary Kleopas tawicu" eciyapi kin he.

W. St. James otowwe tuktel Bishop un qon he. (Ohan. 15:19)

A. He Jerusalem otowwe kin el Bishop un kta kiciyustanpi, na otowwe kin he el A. D. 15 ataya omniciye tokaheya econpi qon, he el itancan yanka.

W. St. James tokel on martyr ta he.

A. Wotanin wašte oyake cin on wicaša ota wicakamna kin heon Wowapi kagapi na Pharisee kin iwacinkopi, lakaš Woacaksin wohanpi icunhan, Tipi Wakan ipasotka wan etanhan kul elipeyapi.

W. Lecel hinhpaye cin on ta he.

A. Hiya; tancan kin lila kašu-

ja eša kini na canpeška makagle enajin na šicaya kuwapi kin on wocekiye ewicakiye, tka cekkiye icunhan inyan on kininpi na ktepi.

W. St. James tawowapi yukan he. (Jakob tawowapi kin.)

A. He Juda wicaša tona wicalapi qon wowapi wan wicakicage, na he el wowacintanka, wowa-
cinye na wicohan wašte on iyo-
wicapaštaka.

W. Wicaša wanjikji tuwa wowa-
pi kin le kaga kecinpi he.

A. He St. James tanka kin, Zebedeo cinhintku kin he ke-
cinpi.

Woonspe lwikcemna zaptan sanpa sakpe.

St. Barnabas Taanpetu kin.

W. St. Barnabas wokiksuye kin tohantu he.

A. June wi wiyawapi iake-
wanji hehantu.

W. Barnabas caje tani kin to-
kel eyapi he.

A. He Joses, naiš Joseph eciyapi, na he ihankeya Wahošiyepi kin he Barnabas caštonpi.

W. Barnabas eyapi kin tokel kapi he.

A. He wicakicanpte cinhintku he kapi, he makoce yuhe qon wiyo-
peya na wahpanicapi kin owicakiy-
in kta ca mazaska Wahošiyeye
wicakicahi qon heon eyapi na-
ceca.

W. Barnabas he tuwa he.

A. He Juda wicaša, Levi tiye-
spaye opa na Cyprus makoce
etanhan, he Christ waonspewica-
kiye he wanji na obakab Waho-
šiyeye Wakan wanji heca.

W. Barnabas tokel St. Paul kiciyapi he.

A. He "St. Paul kici Gamaliel siha el onspekiyapi" keyapi kin heon.

W. Tokel Paul na Barnabas, Ikcawicaša onspewicakiyapi kta wicakicopi he.

A. "Woniya Wakan kin heya, Barnabas Salos kici wokicanye iwicaweco kin heon ewicamicigle po."

W. Barnabas tuktel tokaheya Wotanin wašte oyaka he. (Ohan. 9:22)

A. Antiyoka el, tuktel waonspewicakiyapi kin tokaheya Christian esjewicayatapi.

W. Tokaca Paul na Barnabas ewicaglepi he.

A. Ikcawicaša kin Wotanin wašte owicakiyapi kta cin he on.

W. Barnabas towiconte kin on taku oyakapi he.

A. He Salamis, Cyprus makoce kin el martyr heca ta kecinpi.

Wowapi Wakan yawapi kin Wawokiya

Hekta May wi okage cin el Wowapi wakan yawapi wawokiya unkagapi kin, he Wowapi wakan tani kin etan wowapi ehake kin cajeunyatapi. Tokata Wowapi wakan teca kin etan

wowapi kin nakun econkunpi kta e wacinunyuzapi. Tka itokab takuku unkoyakapi kta iyececa.

Wowahokiciye tani na teca iyokogna waniyetu ota na icunhan Juda oyate kin, maka itancanpi ošpaye tom awicakipapi: (1) Persia wokiconze kin, B. C. 536-333; (2) Greece [Helenes] wokiconze kin, B. C. 333-167; (3) Asmonaen wokiconze B. C. 167-63; (4) Idumea Antipater, na Herod B. C. 63-4.

Persia wokiconze kin B. C. 536-333

1. Persia oyate kin Babylon atakpepi na ohiyapi qon hetanhan wookihi otokaheyapi, na wicahukuya Juda oyate kin kitanna tawaičiyapi, na heon ohowicalapi ece. Egypt, Phoenicia, Cyprus na makoce toktokeca Persia tawayapi kin el el okililaton ece eša, Juda oyate kin Syria makoce kin hel, itancan wanji ihukuya, inila unpi "wicayašatapi tanka kin" yuonihanpi na wijilya na igluota icagapi.

2. *Woitancan kin.* Ezra na Nehemiah woawanyaka sutaya yuštanpi, na Jerusalem otowwe he itancan kagapi. Tokaheya Zerubbabel he ataya itancan un, na he Tirsatha eciyapi, tka ohakab toktokeca itancanpi. Owicakiyapi kta e omniciye wan, tona wicahicapi (hunkayapi) na wosnakagapi opapi kin, heca yuhapi, hecel wowapi kagapi wicohan kin lila onspeiciyapi ece. Moses woope kin lila yawapi na heon wicaša ošpaye wan icage ca oyate ega waonspekiye itancan unpi, na woohola kin on oyate kin ataya tawawicaye, ca Wowahokiciye teca kin el le wicohan kin lila tanin.

3. *Omniciye tanka kin.* Iwankab, okolakiciye omniciye wan kagapi unkeyapi kin, hetanhan wanji sanpa tanka na wašaka icaga, na tona opapi kin hena "Omniciye tanka wicaša" ewicakiyapi. Oyata wayaka etanhan glipi kin el, oyate Egypt etan glinapapi Joshua taanpetu wicaša itancan unpi qon (Joshua 24:31) he iyececapi. He woonspe hea awanyakapi na wayasupi kta tawayapi, na woiyunge tehike waayuptapi kta wicohan tawapi. Iyotan woope kin awanyakapi. Juda oyate wiyukanpi kin eciyatanhan, woope kin nonpakiya yuhapi kecinpi; wanji *owapi* na unma kin *hoikeya* on yuhapi keyapi. Tokaheya kin yutokecapica šni Wakan-tanka yuštan keš, Wakantanka Iye ho kin on Moses onspekiya, na woope kin tokel ke cin okahinikiya. Owa yanke cin hece gla yankin kta, tka unma kin ho kin eciyatanhan owecinhan okiciyapi. Woope kin Moses ho kin on Joshua okiyaka, na Joshua wicaša itancan iye ohakab unpi kta cin owicakiyaka, na hena wicaša wocanpi kin on

spewicakiya, hecel Jeremiah ibunni, na Jeremiah, Baruch opta, Ezra onspekiya, na Ezra he omniciye tanka kin onspekiya, nahan iyehan Nehemiah tokel oki hi wowapi pahi na omniciye tanka kin wicaqu, keyapi. Omniciye tanka kin le wicaša 120 opapi na waniyetu 150, B. C. 291 he ehan henala. Juda oyate wokonze 613 yuhapi kin he omniciye tanka etanhan yuhapi, na Israel wico han tona tawapi na wowapi wan Talmud eyapi kin el owapi kin ko etanhan yuhapi keyapi. "Hunkawicayapi eyapi keyapi" kin he Itancanunyanpi kin otakiya, Matt. W. 5 wacajeyate cin, owekinis omniciye tanka opapi wicihakab unpi kin hena wicake naceca.

Ezra na Nehemiah otowwe iyo hila el anpetu okilipapi can wacekiyapi kta, wayawawicakiyapi kta, na wope iwoglakapi kta e omniciye kagapi kin on etanhan omniciye tanka kin sanpa wasaka na tanka iglawe. He cel Persia wokiconze ihukuya unpi kin, Juda oyate kin taku piyapi, omniciye kagapi, na woecon wayustan okihipi ca tanin.

Wakpaipaksan etanhan.

April 7, 1900, St. Mary's Church ogna wicohan tona econpi kin.

Baptisma Wicaupi.

Clara Esther, he Peter qa Esther Thompson cincapi.

Arba, Gad, he Henry qa Annie Taylor cincapi.

Wicagusutapi.

William Westman, Lincoln Robertson, Mabel Weston, Presbyterian etanhan ahiopapi. Esther Thompson, Nancy Wells, Josephine Westman, Samuel H. Westman.

William Jones oyaka.

Wowapi Dakota winyan wawokiya Omniciye wicakicigapi.

Mitakuyepi:—

Dehan wowapi hanka cicagapi kte šni. De ehake wowapi ciuppi kta naceca, tka tokata Ptanyetu hehan ake ecamon kta kecanmi. Ecin, wowapi kin de June wi iyehan en nihipi kta; unkan wi kin he en winyan kin ehake mniciyapi. Tokin winyan omniciye oadetka owasin nakaha hekta omaka kin de tan yan skanpi nin ecanmi. Tanina opapi kin hena ohinniyan mniciyapi en ipi s'a qa nakaha opapi ko otapi nin ecanmi.

Taku on unskanpi kin owasin unikisuyapi kta iyecceca. Okodakiciye wakan kin onunkiyapi kta on wowasi econkonpi. Unkan Okodakiciye wakan kin onunkiyapi eca Christ Iye waecaunkiconpi ece.

Omniciye kin owasin June wi ihanke kin, en mniciyapi enakiyapi naceca, qa wi nonpa hehan yan okihipi. He hecetu.

Ecin, wi nonpa nina kata kin hena icunhan asniniyapi ehan tanhan Ptanyetu kinhan cante wašeya qa awašedakeya ake wicohan kin yakuwapi kta.

Tka June wi en toketa he? Wi kin de en anpetu wanjikji nina mašte qa hecen mniciyapi en yapi qa en wakagege yankapi kin telika. Tukteken nina cona na hipi miye sdodwaya. Anpetu tohan wanna ehake mniciyapi kta yustanpi kin hehanyan, ito, iyuha miniheiciyapi qa token okihipi ohinniyan en ipi kta, qa hecen owasin yuptayenan mniciyapi kin enakiyapi kta he oknayan wašte.

Mdoketu nina mašte icunhan wakagegepi kta on mniciyapi šni eša taku nonpa ohinniyan econpica. Wawicagupi he wanji, qa unma kin wocekiye eyapi kin henios. Canopiye šašanan kin Wotanin Wašte ayapi kta on mazaša qa kašpapi mnayanpi wicohan wašte kin hecetu wanjica econpi kta iyecceca. Qa tiwahe nitawapi en wicaša unpi kin hena koya canopiye ša wicohan kin okiyapi kta uneinpi kin he kiksuyapi. Wicoie opiye kin akan owapi kin hena wicakipazopi, "Tiwahe Yewicašipi Canopiye."

Hehan ohinniyan mazaska nitawa opiye en oyaknake eca wocekiye wanji eya ye. Qa nakun en oyaknakin kta mazaska takunan duha šni qe yaš wocekiye hecenan eša eya ye. Anpetu iyohi yewicašipi wicohan, Wotanin Wašte ayapi wicohan he unkapi, he wocekiye on kiksuyapi. Hekta wi qon oekde wan en Wanikiya unkitawapi wicaša litanipi kta e yewicašipi kta icekiye unšipi kin he onspeniiciyapi kta wacin kepa. Unkan winyan omniciye tawocekiye wanji en he Wakantanka unkidapi. Wocekiye wake cin he deo:

Wakantanka Iyotan wasake cin, Woksapi en Itancan kin, Woksapi Nitawa kin en Htanipi kin, nakun sanpa yewicasi kta e onscaya iceunniyapi: hecen Waawankdake wicaka qa wacinyepica heca iyenakecapi kin on Okodakiciye, wak in Nitawa kin iyuskin kta, qa Nitokiconze wašte oicaga tawa kin yutankapi kta. Jesus Christ Itancanunyanpi kin eciyatanhan. Amen.

Wocekiye kin de onspeunkiciyapi qa anpetu iyohi unqunpi kta.

Qa decanan Wowapi Wakan oekde onspeunkiciyapi kin hena unakakiktonjapi kta šni e on hena ijehanyan iyata unkeyapi kta.

Owasin cantewašeya nape ciyuzapi. Nitakuye, Mrs. Burt.

Woihanble.

Woihanble kin yamnikiya ki yušepica. (a) Tona tanmahetanhan oħanye kin on kage cin. (b) Tona tanakatanhan oħanye cin on kage cin. (c) Tona tuwa ištima kin icunhan tawacinpi el woacin sutaya yuhace cinca.

(a) Wicotawacin tona wicana sula etanhan enapeye cin on, nasula etanhan taku (sanyan) kaluze cin on cankuyetontonyan kage, na wicatawacin wan ake kiksuyapi echantanš on sam cankuye kin tanka icage, heon wicotawacin (wokiksuye) kin ohanko nainš hanhi. Heon taku wanji ijehan awacinpi echantanš woawacin kin ake el ewacinpi echantanhanš ohankoya kiksuyapi. Na woawacin tona enanala el unhipi nainš naunhonpi kin henake okiksuye eciyatanhan teli lice, ito le eqeš tuwe keceyaš slolunyanpi on wiunyacinpi kte, "Nonpa na nonpa hecel topa" he wašakayelaboi oeye wašte, okiksuye wašte, canku tawa kin ogna wana ota iyaye cin heon. Tka taku tona ainab ya woawacin na ijehan unpi šni nainš naunhonpi šni echantanš hena ookahniš šice. Niunpi icunhan wana wakanyejapi hehanl nasula kin egna ataya icipawehiya cankuye cisciscila kin yunke, lena wanyankapi kta ca wicista kin he okihe šni, tka ee janjan—iwan yanke heca (microscope) ecela on okihipi; icin hena kecto tona akigle yutanka kin heon, hecel tuwe taku caje nainš woawacin wanji ota nahon, wanyanke, eye, awacin echantanš on cankuye wan el ogna ece tawa kin tanka kage cin on tuwe kin he ksape, wicoie inš taku kin hena on woawacin wanji wašte kaga okihe. Heon nakun taku tona hececa sam kiksuya okihi, le wanji naunhonpi s'a, tohanl tuwe taku woiha wanji oyaka echantanš inš tuwe wan hececa oyake, heon wokiksuye woawacin hena on woihanble ake piya kage na hena woawacin aye šni. Tona tanmahetanhan oħan kin on kage cin hena wicanige oħanye cin na tokeca hena on icage, nainš he woyute tokeca na tonakeca yusote cin hena on hececa. Tezi mahel nige—ha mahetanhan kin iyulepe wan ikeyake, tohanl woyute yuicage cin woyute etan yuhapa eca tancan kin ataya kaabeya iyaye na we on sam yuteca. Nige kin tohanl woyute kata ota un echantanš yuicage cin nasula, etkiya otahci iyaye, heon cankuye qon hena ojulaye, nazice na uma ob ataya ietahake na (mini-san) kin icicahiya ob iyaye. Cankuye cin wanji ota ogna iyaye nainš conala echantanš iyecel woawacin, wokiksuye kin ogna un kin tanin. Nige kin taku kipi sam ecakiconpi echantanš we ota inš sam nasula etkiya paataš iyaye, na yuicage cin kici okiju echantanš nasula el on wookihi tawa kin yuconala, heon tuwe ota wote echantanš toketu tanin šni, na akeš tuwe ota wote s'a echantanš nige tawa kin tanyeh wokignake šni echantanš toketu tanin šni.

Heon pejuta wicaša kin nige kin waakiše šni wicašipi, tohanl mini-san kin otahca echantanš canku tawa kin ognagna optapta anog'nog iyaye, heon tohanl ištima kin icunhan woiha hayašna pteptel yela iciyokihehe ya woihanble slolunyanpi. Nige kin he wiyukpan ohinniyan kin heca, mahetanhan kin he ee, heon, tohanl takuni ogna un šni, (nainš wicoie wanji ogna) na mahel takuni un šni echantanš nonpin mahetanhan kin icipame. Heon tuwe ha ece kin icunhan ištima echantanš maya etan, tipi wanji nainš oyokpaza wanji el chinhpaya woihanble yuke cin hena on hececa, wicatanhan ma-

hetanhan on oħanye cin on lena lecel woihanble el wicahi.

(b) Akatanhan oħanye cin on woihanble kin. Ištima kin etanhan kiktapi kin taku tonakiya on hececa, tokaheya tuwe iyunke cin glutokeca šni, yuš unyewicayapi on, inš okata. na osni hena tuwe wan ištima han icunhan tancan akatanhan el on yutokeca (inš wicoie tokeca ogna) ištima cin etan kikta nainš on ihanble, ištima kin etanhan kiktapi kta itokab iwaštelašci ungnahanla wacinkapi hinglapi, canna he (oikpağongā) unkeyapi, lececa aye cin icunhan tuwe taku katopi nainš can cega nainš tuwe lowan, taku keša hotanin icunhan wahehanl un echantanš iyecel woihanble yuha, he wanjigji slolunyanpi, woihanble lecel icinonpa on kage na ehake tokel on woihanble nakun kage cin he.

(c) Tona tuwe ištima kin icunhan tawacinpi el woawacin wanji sutaya yahace hecin on. Tohanl tuwe taku akipa, taku on yušinyeyapi, taku wokokipe wanyake, taku icantesice, icanto wašte, iyata owacin on, tuwe wan kiksuya unpi, lena owasin on woawacin etanhan woihanble ehan unkipi, wanjini on wiblacin kte šni, wanjini on ecela nakun eye pica šni, taku yamnikiya on woihanble kage cin otioyohi on okiciye, tawacin, wanyake, icahitake, nahon, lena eciyatan on woihanble kage. Nakun wowicake on woihanble ehan el wicahi ece kin lehanl he, hecenan qe yaš wicaša conala ogna slolyapi na wowicala yuhapi.

Harry F. C. Woods, Chilocco, Okla.

Houston, S. D. etanhan.

Anpaš kin.

Kola iapi conala on miyecilaotanin wacin. Tukte wocekiye kaša hena Taku wakan wanjila wacinunyanpi, hecel wanji wacitan kta yukan iyowihikiyo pica šni, tka oyasin mahipiya wiconi canku kin ognayan manunyanpi iyecceca wala; na ito bloke coka woskate econpi kin wana ake ikiyela unyanpi hecel wakta unkiyapi wacin. Jesus wani kiya maka akan un gonhan Satan tokel iyutanyan kta he ogna kuwa tka "Satan" miheyata ya yocciya. He cel blokecokan kin ake anpetu kin he tuweni tawa šni, hecel wocekiye oyapapi eša Lakota šaiciyapo, iše anpetu kin le eceela yaškatapi kta ce eyapi, nicinca yukanpe lo, canwicakiya po, nakenula yaunpe lo ake mi cagapi kte šni ye lo, eyapi can wocekiye opa tuweni Satan miheyata ya yo, unkeyapi kta unkokihipi šni. Oyas in he anpetu kin wacitan econqunpi hece gla kta sece keš inihanšni sam hiyupi kin Lakota wacipi kin el skanpi. Eya Kulwicaša etanhan Sicangu maka el hiyupi hematanhan na ogleunjinca ešapi kin hematanhan ca le hepe, na Ška un eyapi kin len wicota unpi keš Anpetu wakan keš tuweni wocekiye econpi šni, Tipi wakan wan Makizita owoicu el wašte wicakicagapi kta he he ece han ye lo. Eya Lakota wacipi na Blokecokan škatapi hena on wocekiye oyasin iyopte šni heon mitakuyepi hepe lo. Matheos 4: 8, 9 hena el wanyaka po, na bli heiciya po. Nitakola wan, Thomas Red Leaf.

WOTANIN IKCEKA.

Le bloketu kin ake United States ataya oyate wicayawapi kta. Hekta waniyetu wikcemna ehake heconpi, yunkan hehanl woyawa tanka zaptan sanm iyayapi. Ataya 50,155,783 henakecapi. Itahena oyate lila icagapi canke lehanl woyawa tanka sako-win sanm iyayapi kta iyukecanpi.

Hekta oyate wicayawapi qon ehanl Ikceoyatepi kin is 181,000 wahecetupi. He omaka 1880 hehanltu, yunkan he ehanl Ikceoyate etanhan citizeh unpi na vote yuhapi kin 66,407 henakecapi. Lehanl ake wicayawapi yunkan toketu kta he? Ikceoyate is eya icagapi, nainis sanpa conala ayapi he? Sanpa ota citizen icicagapi nainis nahanhein tani wicohan unpi kin iye wicota kta he?

General Otis tehan Philippine wita ekta itancan un qon he United States ekta gli kta kiciyustanpi. He ostan General McArthur hel itancan un kta yustanpi.

Philippine wita ekta lecala Philippine akicita itancan tanka, General Garcia ecayapi kin, he oyusapi. Aguinaldo he taakicita ataya itancan, yunkan Garcia is iyokihaya akicita itancan tanka kta.

Hasapa makoce, Transvaal makopaspe ekta, nahanhein kicizabanpi. May 7th ehanl Saglasa akicita Winburg otowwe takpe ipi yunkan Boers hel unpi kin napapi na Saglasa kin otowwe kin he icupi. Hetanhan Saglasa kin ohankoya sanm iyayapi na Vet wakpa kin iyuwegapi yunkan Boers otowwe itancan kin Pretoria, he takpapi kta ca on etkiya iyayapi.

May 28th ehanl anpetu wi ta. Leciya lila aiyokpasyapi sni yesa United States onspa tanka ekta anpetu wi opceyela ataya wanica selececa. Wicasa wayupipika tokel okihika masiwayake tankinyan on awanyag kuwapi: hetanhan taku onspeiciciyapi okihipi kta kecinpi na heconpi.

Hawaiian wita kin wana United States territory heca kagapi. April 30th ehanl Tunkansilayapi kin woyustan kin he el caje ecignaka.

Puerto Rico on Wakiya Wacasta tomniciye ekta tehan akimicapi. Hunh he makoce kin wanna United States onspa heca keyapi na hunh he United States ihukuya un yesa nahanhein el opa yawapi kta iyececa sni keyapi. Canke tuktogna kuwapi kta iyececa olepi nahan nahanhein State nainis Territory kagapi kta iyekicihantu sni, tka Colony heca iyecel yuhapi kta yustanpi.

Philippine wita ekta bloketu kin le wokicize akisni kta selececa. Hecetu kinhan wita kin hena is United States colony heca kagapi kta naceca.

Peta tanyan ile sni kinhan pelijanjan wigli on yuinahni sni pol Heconpi kin on winyan wanjigji iciktepi na tipi ota hunuhapi. Lecala heca wanji Omaha etanhan oyakapi. Mrs. Porkoney hecon kin on hayapi ile na kiciyusnapi sni itokab tancan ataya gu yunkan iyohakab ikiyela ehanl ta. Hignaku na cinhintkupi kin wanji nakun hayapi ile kin kiciyusnapi kta skanpi kin icunhan is eya nupin napapi kin spanyanpi. Wicaakihan na wicokuja okokipe kin iyecel pelijanjan wigli on cetipi kin he nakun okokipe.

Pecokanyanhanska makoce ekta omniciye wanji "Boxers" ewicakiyapi kin wanihan lila ohitiya skanpi na wicasa wakan hel Wotanin Waste oyakapi kin etanhan wanjigji nahan heciya Christian unpi kin ota wicaktepi. Taku isiglapi na on heconpi kin he lee keyapi. Sina Sapa wošana-kaga hel unpi kin Pecokanyanhanska Tunkansilayapi kin ihukuya wowaake wicakupi kin on wakiyapi oyasin el iyeciciyapi na okolakiciye tawapi opapi kin lila owicakiyapi sa oyate ablezapi, yunkan ota ececa Christian hecapi kta wacinyuzapi sni yesa ikce wakiya ekta owicakiyapi kta cinpi kin on Sina Sapa keciyapi. Hecel sanm aye cin on "Boxers" hankeya tawateyapi sni na on Christian unpi kin oyasin iwahtewicalapi sni na ihangwicayapi kta kuwapi.

Owakpamni wanjigji ektakta wicasa itancan mniciyapi na hekta wolakota na woyustan qon etan takuku yusnapi kecinpi kin hena pahipi na iwoglakapi kin he tanyan econpi. Icin, hena iyo-wajapi na tanyan kiksuyekiciyapi na oslolyekiciyapi kin he hecetu. Nakun oyate ataya tanye hecin okicahnihwicayapi waste. Ksabyahan na owotannayan kuwapi kta ehantanhanis tuweni anawicaptin kta okihi sni. Hecel sanm kuwapi kta hecinhan tokel hetanhan taku waste icagin kta hecela awacin kuwapi kinhan oyate iwaštepi kta cin ee kta. Tokelkel kiksuyapi hee sni, nainis wowapi yutanpi qon ekta tokelkel ikceya ipi kin on ekiciyapi qon hena on lehanl takuni yuwicakapi kta okihipi kte sni kin he tanyan slokiya skanpi kinhan ksapapi kta. Woyustan qon elel tokel owa yanka na ecel Wakiya Tomniciye ekta sutaya woope kagapi qon hecela lehanl ayuhel pica. He isanpa nainis atokan yanka takuni wacinyepica sni: canke iwoglakapi kta hecinhan Woyustan qon hena ateyapi kin he, nainis he okihi sni kinhan, Tunkansilayapi ti etanhan lapi nahan ieska wacinyepica wanji ko icupi na on ablesyakel iwoglakapi kta iyececa. Na heconpi kin icunhan Wowapi Wakan tokel eye cin wanji kiksuya econ-

pi waste. Psalm 1:1 el lecel eya, "Tuwa wicasa sica tawowahokonkiye ogna mani sni kin, he wowašte yuha."

Tunkansilayapi kin etanhan taku wanji tohinni tanyan econpi sni selececa. Woyustan na woope ogna wicakuwapi kin hena Ikce oyatepi kin ijehan slayegna owicakiyakapi na okicahnihwicayapi sni kin hee. Hececa lakaš Lakota tona wana wašicun in yawa okihipi kin taku hececa ohinni igni unpi na oyate tanyan okicahnihwicayapi kta ca on sanpa owicakiyakapi waste.

Fourth of July, ektasniyan Anpetu Wakan Tanka ecayapi kin he, ehanisna Lakota otuyacin mazaska olota skatapi on glusotapi sa qon he ake le bloketu kinhan iyecel econpi kta hwo? Jicapi lakaš woyuha na mazaska on cinca ob ni yapi kte cin hena hecel anpetu wanji la wakanheja se iyokipiciyapi kta on kahol iyeyapi kta okihipi hwo?

May 7th wahahanl Nebraska na Kansas makopaspe kin ektakta wamniyomni tankinyan ota. Tipi ota kayunkapi na wicasa wanjigji wicaktepi. Anpetu wanji la yunkan Kansas ekta heca ake-topa yukan keyapi.

Ottawa, Canada, ekta April 26 ehanl tipi wan ciscila ogna mazoceti ohlogeca etanhan tice ile, yunkan hetanhan Ottawa otowwe onspa na Chandiere otowwe onspa nahan Hull otowwe kin ataya huhnaga. Wicasa wanjigji el tapi, nahan mazaska woyawa tanka akezaptan (\$15,000,000) wahacetu kipiya tipi na woyuha atakunišni. Hull otowwe kin ataya ihangyapi na wicasa 15,000 ti cola elpewiyayapi.

Board of Indian Commissioners wicohan oglakapi tawapi kin he lecala Tunkansilayapi ti kin etanhan hiyuunkiyapi. Board kin he wana waniyetu wikcemna yamni Tunkansilayapi wawokiya skanpi. Ikce oyatepi kin tokel owotanla wicakuwapi na ohankoya wašicun iyecel oicihipi na citizeh wicakagapi kta iyececa kin hena oslolye wacin skanpi, na waniyetu iyohila on report kagapi. Hena isi cola heconpi, na wicasa awicakeya Ikce oyatepi kin kolawicayapi kin hecapi. Report tawapi kin el tokel eyapi kin hena tokata wi ANPAO KIN el unkoyakapi kta.

Pine Ridge Agency etanhan. Anpao kin:

Mitakola iyapi conala miyecilaotanin kta wacin ye lo. Eya takuni tanyan epin kta iyececa sni tka takul epin kta wacin ye lo. Ikcewicasa maka akanl unqonpi kin leuncecapo lo. Eya taku keceyas wicohan wanji unkoyatepi el hi canna el tawacin ataya gluha tokel okihika el lila iyuskiyan el oitancan wacin unskanpi keš ptelyela hec heuncecape lo. Nakun el unyaonihanpi na unyawastepe kin hecel on el iyuskiyan unskanpi keš tohanl iyapi ciscila eyas on aiunyanpi wanna heceglala heyab unkiyayape lo, na Wakantanka oiye wan unkokiyakapi ca naunhonpe lo. Hecetun unyapi ni kta ca

oyate owicakiyake lo, na he ogna tuwe wan waonspeiciciyin na ogna tanyan igloya keš, unkiyepi ca ena aiunyanpi na unyašicapi na wiyawiconqonpapi na wicunyalpapé lo, na wicasa iyuha akiciyuhel taku wanji šicaya econ kta ca he ohinniyan akiciyuhel unqonpe lo. Na tuwa taku wanji cisciyela icinšniyan econ slolunyanpi canna heceglala on unyašicapi na unyaotaninpe lo, na ohinniyan akicita kiciyasil unqonpe lo. Yunkan hecetu kin heon wicoiye wan ohinniyan kiksuya waun we lo. Eya Wakan-tanka woa hope wikcemna wan maka akanl wicasa unpi kin ahopapi kta ahignake qon, he iwikcemna kin he weksuye sa ye lo, "Nikanyela ti kin otuya aiyayin kte sni" eyapi qon he ohinniyan kiunkaksape lo, qeyas unkakiblezapi sni ye lo. Nakun Ikcewicasa unkoyatepi kin taku wanji tanyan unkayapi kta keš unkiyepi ena osungye ilpeunki- ciyapi na takuni kahanskeya tanyan unkayapi kta unkokihipi sni ye lo, tka lehanl waunktapi kta iyececa ye lo. Jesus maka akanl hi qon hehan tokata woiwahoye wan waonspewicakiye cin owicakiyake lo. Wicasa wanji tokiyatan hi na Jesus he miye ce eyin kta tka he miye kte sni ye lo, ihakab yapi sni ye, na taku wowašpetoktokeca kta keye qon, na wicasa tona Wakantanka waste-lapi qon hena ececa sni ayapi kta keya qon he lehanl kin hena iyecetu aye lo. Heon lehanl Wakantanka etkiya lila ewauncinpi kta iyececa ye lo. Tona Wakantanka oiye slolyapi sni qon hena Wakantanka ekta wicunglutitanpi na nagi ni wicunkiya wawacina pi kta iyececa ye lo. Eyaš wan-na henala epa owakihi ca epe lo. Tona Anpao iyacupi kin oyasin nape ciyuzape lo. Nitakolapi wan he miye ca hepe lo.

Paul M. D. C. H.

Dakota Toiepi kin.

Mitakoda Anpao kin:

Optenyena iapi onspa on iceciciye do. Dakota unkitoiepi qa wašicun toiepi kin unma tukte iyotan uncinpi kta hwo. Koška wanjikji tawacinpi on hepa. Tuwe heye, "Dakota wowapi woonspe en un sni on yawa awatan sni." Koška ota wašicun wotanin wowapi ecena yawa iyokipipi. Dakota wowapi tona unhapi kin owasin waste, ecin Wakantanka oie qa awacinpi on nipi kta, wocowotana kta heca ecee kin on. Koška wan hecece cin awaicicun qa wowapi wakam yawa tawatenye kta. Tokešta woonspe unhiyohipi kin, unki-cineapi kuwa ayapi kta hee sdon- unyanpi. Dakota oyate ecanah unkowihankepi kte cin hee ke- pce. Oyate obe wowapi yuke cin on unkiš eya wowapi kin qa wotanin tona qa iyotan Anpao kin yutanka pic, qa tanyan kaju- jupi kinhan hehan iyotan oyawa waste kte. Ecin taku kasta wašakayena opetonpica tehan wa- šte sni, heon Anpao kin omaka wanji 50 cents unkanis tuwe iapi kabnigapi kin icante wašteya skanpi kte. Christian mitakodal- nis token idukan he. Wakan- tanka awacinpi kin wicohan tan- ka. Wowapi Wakan heya Oma- yadepi kta, qa iyemayayapi kta, nicantepe ocowasin on omayadepi kta hecinhan.

Sisseton Agency, S. D., St. James Owanke etanhan. R. K.